

Siunnersuummut nassuiaatit

Nassuiaatit nalinginnaasut

1. Aallaqqaasiut

Qeqertaasap Krim-ip inatsisinik unioqqutitsilluni tiguarneqarneranut qisuariaatit Ruslandimut 2014-imiilli pillaatitut iliuusissanik aammalu iliuusissanik killilersuiffiusunik EU-p (Europæiske Union) atuutsitsiartuaarnera, tamatumalu kingorna nunap immikkoortuani Donbas-imi oblaster Donetsk aamma Luhansk, avissaarnianit aquneqartut akuersaarniarlugit Ruslandip aalajangiinera kiisalu Ukraine-mik tiguaajartornera tunngavigalugit siunnersuut saqqummiunneqarpoq.

Nunanit tamalaaneersut tamatumunnga qisuariaatit Ruslandip Ukraine-mik tiguaajartornera assuaraat, tamannalu pillaatitut iliuusissanut suliniutissanik arlalinnik malitseqarpoq, ilanngullugu EU-mit, ulloq 24. februar 2022 aallarnerfigalugu Ruslandimut kiisalu tamatumunnga nangissutigalugu Belarus-imut pillaatitut iliuusissanik annertuunik imalinnik peqqussutinik nutaanik arlalinnik akuersissuteqarsimasumit. Peqqussutit taakkua EU-mi ingerlanneqarput, aammalu naalagaaffinni EU-mi ilaasortaasuni toqqaannartumik atuullutik. Kalaallit Nunaat EU-mut ilaasortaangimmat, peqqussutit taakkua Kalaallit Nunaannut atuutinnigillat imaluunniit pisussaaffiliinatik.

Kalaallit Nunaata pillaatitut iliuuseqarnerit taamaattut aamma Kalaallit Nunaannut atuuttussatut pisussaaffiliissasullu kissaatigiguniuk, Kalaallit Nunaata nammineerluni taakkua akuersissuteqarfigisariaqarpai. Taamaattumik siunnersuummi siunnerfigineqarpoq, pillaatitut iliuusissat taamaattut akuerinissaannut Naalakkersuisut piginnaatinneqassasut, tassalu akuerineqareersut aammalu kingusinnerusukkut akuerineqartarumaartussat.

1.1. EU-p (Den Europæiske Union) pillaatitut iliuusissanik atuutsitsilerner

EU-p (Den Europæiske Union) maannakkorpiaq Ruslandip Ukraine-mut saassussineranut qisuariaatit aningaasaqarnikkut ataasiakkaatigullu pillaatitut iliuusissat tallimat ataatsimoortukkaat atuutsilerpai. Ataatsimoortukkaat taakkua suliniutissanik annertooujussuarnik arlalippassuarnik imaqarput, assigiinngitsutigut suliassa qarfiit toqqakkat iluanni Ruslandip suleqatigineqarneranut kiisalu niueqatigineqarneranut sunniuteqarlutik.

Pillaatitut iliuusissat ataatsimoortut 1 ulloq 23. februar 2022 akuerineqarput, aammalu Duma-mi ilaasortanut 338-nut, Donbas-imi sumiiffiit avissaarnianit aquneqartut marluk akuersaarnissaannut taasisimasunut, pillaatitut iliuusissanik siunnerfilinnik imaqarlutik.

Pillaatitut iliuusissat ataatsimoortut 2 ulloq 25. februar 2022 akuerineqarput, aammalu suliassa qarfinnut tallimanut tunngassuteqarlutik. Siullertut aningaasaqarnikkut killilersuisoqarpoq, ilaatigut Ruslandimi pisortat aningaasalersuinerit imaluunniit niuernermut

anigaasaqarnikkut ikiunnerit imaluunniit anigaasaliinerit, Ruslandimi anigaaserivinnut namminersortunut aalajangersimasunut aammalu suliffeqarfinnut naalagaaffimmit pigineqartunut anigaasalersueqqinnerit inerteqqutigineqarlutik kiisalu EU-mut anigaasaqarnikkut kaaviiartitsinernut tunngatillugu killilersuisoqarluni. Aappaattut uuliamik qalluinnermut kiisalu timmisartunut, timmisartut sannaannut kiffartuussinernullu aserfallatsaaliuinnermut tunngasunut atugassanik teknologiinik avammut nioqquteqarnissaq inerteqqutigalugu allatigut suliassaqarfinnut pillaatitit iliuusissat sukannernerusut atuutsinneqarlutik. Pingajuattut tunisassianut marloqiusamik atugassanut, inuiaqatigiinni sakkutuulersornermilu atorreqarsinnaasunut, tunngatillugu avammut nioqquteqarnissamut pillaatitit iliuusissat malunnaatilimmik sukannernerutinneqarput.

Sukannernerulersitsinermi ilaatigut tunisassiat EU-mi marloqiusamik atugassat allattorsimaffianni atuuttumi suli ilaatinneqanngitsut avammut nioqqutiginnissaat inerteqqutigineqarpoq, ilanngullugit teknologiit nutaaliaat nalinginnaasut, soorlu qarasaasiat, maluginiutit, laser-it, siumut ingerlatitsisussat aamma sumiissusersiornermut atortut. Allattukkani taamatuttaaq ilaatinneqarput ikkussugassat ilai atortullu tunisassianik allattorsimaffimmiittunik tunisassiornermi ilaatinneqartut, soorlu innaallagiamut aqquataasinnaasut. Sisamaattut Ruslandimi naalagaaffiup allanut attaveqartartui, atorfilittat niuertullu Schengen-imut isersinnaanerannut visum-ini qasukkaasimanerit atorunnaarsinneqarput. Naggataatigut naalagaaffiup aqunneqarnerani pissaanilissuarnut taakkualu ilaqaannut EU-mi pillaatitit iliuusissanut tunngavissarititaasut annertusitinneqarput.

Pillaatitit iliuusissat ataatsimoortut 3 ulloq 28. februar 2022 atuutsinneqalerput aammalu Ruslandimi anigaaseriviit pingaarnersaannut nuussinissap inerteqqutigineqarneranik, kiisalu suliassani Ruslandimi anigaasaliinermut anigaasaateqarfimmut anigaasalersueqataasuni aningasaliinissap inerteqqutigineqarneranik imaqarluni. Aammattaaq anigaaseriviit arfineq marluk nunani tamalaani anigaasaqarnikkut attaveqaammut 'SWIFT'-imut isersinnaajunnaarsinneqarput, aammalu Ruslandimut euro-nik anigaasanik nuussinissap inerteqqutigineqarnera atuutsinneqalerluni.

Pillaatitit iliuusissat ataatsimoortut 4 ulloq 15. marts 2022 akuerineqarput, aammalu siunertaalluni Ruslandip nunarsuarmi anigaasaqarnermit annertunerusumik immikkoortisimaneqalernissaa. Tamatuma atuunnerani ilaatigut suliffeqarfiit Ruslandimi naalagaaffimmit pigineqartut arlallit EU-mi niuerfimmu isersinnaanertik tamaat annaavaat aammalu EU-mi pigisatik nalillit tigusinnaajunnaarlugit. Aammattaaq tamatuma atuunnerani niuernermi iluaqutissartaasunut nunap WTO-mi ilaasortaanermini ('Most Favoured Nation'-itit inissisimasutut) atorluarsimasaannut Rusland periarfissaarutsinneqarpoq, kiisalu Ruslandip nunani tamalaani taarsigassarsinissamut aammalu Verdensbanken, International Monetary Fund (IMF) allallu nunani tamalaani anigaasalersuinermut sullissiviit aqqutigalugit anigaasalersuinissamut periarfissai killilersorneqalerlutik.

Pillaatitut iliuusissat ataatsimoortut 5 ulloq 8. april 2022 akuerineqarput aammalu iliuusissanik annertunerusumik killilersuisunik arlalinnik imaqarlutik, ilanngullugu 2022-mi aggstumiit aamarsuarnik allanillu ikummatissanik nunap iluaneersunik, taakkua Ruslandimeersuuppata imaluunniit Ruslandimiit avammut nioqqutigineqarpata, eqqussinissap inerteqqutigineqarnera. Tamatuma saniatigut avammut nioqquteqarnissamut inerteqquteqarnernut kiisalu eqqussinissamut inerteqquteqarnermut tapiliussaqrpoq, tassani ilaatigut ilaallutik qisuit, cementit, aalisakkat aamma imigassaq. Suliffeqarfiit Ruslandimeersut naalagaaffinni ilaasortaasuni tamanut ammasumik neqeroortitsinerni peqataanissaat ataatsimut isigalugu EU-miit inerteqquteqarnek atuutsinneqalerpoq kiisalu Ruslandimi oqartussanut qanorluunniit aningaasaqarnikkut tapersiissuteqarnissaq mattunneqarluni. Aallarniutissatut akiliuteqarnissamut inerteqquteqarnek atuutereersoq, aamma 'crypto wallets' ilaatilerlugit annertusitinneqarpoq aammalu naalagaaffiit EU-mut ilaasortaasut tamarmik pisortatigoortumik aningaasaat pineqartunut ilaatinneqarlutik.

Aamma takuuk EU-p pillaatitut iliuusissaannut takussutissiaq ilanngussaq 2-tut ilanngunneqartoq, kiisalu EU-p nammineq nittartagaaniittut pillaatitut iliuusissat:uani: www.sanctionsmap.eu.

1.2. Pillaatitut iliuusissanik nunat allat atuutsitsilerner

EU-p (Den Europæiske Union) saniatigut aamma nunat arlallit Ruslandimut allanullu pillaatitut iliuusissanik atuutsitsilerput. Nunat taakkua akornanni ilaapput USA, Canada, UK, Norge aamma Island. Savalimmiuni taamatuttaaq Ruslandimut allanullu pillaatitut iliuusissanik atuutsitsilernissaq pillugu inatsisissatut siunnersuut Lagting-imi (Savalimmiuni inatsisartut) suliarineqarpoq. Siunnersuut 2022-mi maajip aallartisimalernerani Lagting-imi akuerineqassasoq naatsorsuutigineqarpoq.

1.3. Siunnersuummut siunertaasoq

Siunnersuummi siunertaavoq, Kalaallit Nunaata Ruslandimut allanullu pillaatitut iliuusissanut Ruslandip Ukraine-mut saassussinerata malitsigisaanik EU-mit (Den Europæiske Union), Naalagaaffiit Peqatigiinnit (FN) imaluunniit nunani tamalaani kattuffinnit allanit aalajangersarneqartunut, Kalaallit Nunaata ilanngutsinnissaanut Naalakkersuisut piginnaatinneqarnissaat.

Ruslandimut allanullu pillaatitut iliuusissat, nunanit allanit akuerineqartut, ilanngullugit Danmarkki aamma Savalimmiut, ilaaffigilernissaannut aamma Naalakkersuisut piginnaatinneqarput.

Pillaatitut iliuusissanut ilanngunnermi Naalakkersuisut pillaatitut iliuusissat Kalaallit Nunaanni pissutsinut naleqqussarnissaannut piginnaatinneqarput.

2. Siunnersuummi immikkoortut pingaarnert

2.1. Inatsisit atuuttut

Suliassaqarfik maannakkorpiaq inatsimmi maleruagassiivigineqanngilaq.

2.2. Siunnersuutip imai

Siunnersuut imminermini Ruslandimut imaluunniit allanut pillaatit iliuusissanik atuutsitsilertussaangilaq.

Kisianni pillaatit iliuusissat EU-mit (Den Europæiske Union), Naalagaaffiit Peqatigiinnit (FN) imaluunniit nunani tamalaani kattuffinnit allanit Ruslandimut allanullu atuutsinneqalersut ilaaffigilernissaannut, siunnersuummi Naalakkersuisut piginnaatinneqarput. Tamatuma saniatigut Kalaallit Nunaata pillaatit iliuusissat nunanit allanit akuerineqartut, ilanngullugit Danmarki aamma Savalimmiut, ilaaffigilernissaannut Naalakkersuisut piginnaatinneqarput. Pillaatit iliuusissanik aalajangersaanermi aamma Naalakkersuisut taakkua Kalaallit Nunaanni pissutsinut naleqqussarnissaannut piginnaatinneqarput. Naalakkersuisut nammineq ingerlataminnik Ruslandimut allanullu pillaatit iliuusissanik atuutsitsilernissaat siunnersuummi periarfissiisutigineqanngilaq.

Siunnersuummi Ruslandimut allanullu pillaatit iliuusissat, februaarimi Ruslandip Ukraine-mut saassusseqqaarnerani aammalu 2014-imi martsimi qeqertaasap Krim-ip inatsisinik unioqqutitsilluni tiguarneqarnerani naammassisumi pisimasut, ilaaffigilernissaannut Naalakkersuisut piginnaatinneqarput.

Siunnersuummi aamma Ruslandip Ukraine-mut saassussinera ingerlatillugu, Ruslandimut allanullu pillaatit iliuusissat nutaat ilaaffigilernissaannut Naalakkersuisut piginnaatinneqarput. Saassussinert taakkua qanoq sivistigisumik ingerlassanersut imaluunniit qanoq ineriartoqqissanersut maannakkorpiaq oqaatigineqarsinnaangilaq.

Kisiannili aaqqiagiingissuteqarnerni tiguaajartornernilu allani pilersinnaasuni aammalu Ruslandip Ukraine-mik tiguaajartorneranut attuumassuteqanngitsuni pillaatit iliuusissat Naalakkersuisut ilaaffigilernissaanut, piginnaatitsinermik siunnersuut imaqaanngilaq.

Pillaatit iliuusissat unioqqutinneqarnerat pinerluttulerinermut inatsit malillugu pineqaatissiinernik arsaarinninnernillu malitseqarsinnaasoq, aalajangersaanissamut siunnersuummi Naalakkersuisut periarfisinneqarput.

2.3. Pillaatit iliuusissat kinaassusersiunngitsumik nunamullu tunngasutigut killeqarnerat

Siunnersuummi piginnaatitsissut, Naalakkersuisut pillaatit iliuusissat suut akuerisinaaneraat tunngavissalimmik imaluunniit nunamut tunngasutigut siunnersuummi killilersuisoqaanngilaq. Siunnersuummi killilersuinuavaoq, pillaatit iliuusissat allaniit akuerineqarsimassasut, assersuutigalugu EU, FN imaluunniit nunani tamalaani kattuffiit allat, aammalu taakkua Ruslandip Ukraine-mut saassussinereersuussasut.

Kalaallit Nunaanni Namminersorneq pillugu inatsit (Namminersornermut inatsit) naapertorlugu suliassaqarfiit akisussaaffigilerlugit tiguneqarsimasut iluanni Namminersorlutik Oqartussat inatsisiliortuupput aammalu ingerlatsisuullutik. Piginnaatitsissuteqarneq siunnersuummi matumani Naalakkersuisunut piginnaatitsissutaasoq taamaalilluni suliassaqarfinnut akisussaaffigilerlugit tiguneqarsimasunut killeqartussaavoq. Naalakkersuisut pillaatitit iliuusissanut assigiinngitsunut akuersinnginnerminni, nalilersuineq taanna Naalakkersuisut ingerlattussaavaat. Tamatuma saniatigut pillaatitit iliuusissat akuerineqartut, aallaaviatigut Kalaallit Nunaata nunatut oqartussaaffiani taamaallaat atuutissapput.

2.4. Nunanut Allanut Sillimaniarnermullu Ataatsimiititaliap isumasiorneqarnera

Nunanut allanut sillimaniarnermullu naalakkersuinermut tunngassutillit suliarinissaat, aammalu pissutsit taakkua apeqquteqarnissamut oqaaseqaateqarnissamullu pissutissaqalersitsineranni apeqqutinik oqaaseqaatinillu saqqummiinissaq, Inatsisartuni Nunanut Allanut Sillimaniarnermullu Ataatsimiititaliap suliassaraa, takuuk Inatsisartut aamma Naalakkersuisut pillugit Inatsisartut inatsisaanni kapitali 3.

Taamaalillutik Naalakkersuisut Naalakkersuisut Ruslandimut pillaatitit iliuusissat ilaaffigilernissaannik aalajangernissaat sioqqullugu, Inatsisartut Nunanut Allanut Sillimaniarnermullu Ataatsimiititaliaanut Naalakkersuisut isumasiuisussaassapput.

2.6. Innuttaasunit suliffeqarfinniillu taarsiivigineqarnissamik piumasqaateqarsinnaaneq

Ruslandimut allanullu pillaatitit iliuusissanut akuersineq Ruslandip Ukraine-mik saassussera, kingusinnerusukkullu tiguaaniarnera tunngavigalugu pivoq. Naalakkersuisut taamaalillutik pisoq tamaat ajornartoornertut, pisutut siumut takorlooreerneqanngitsutut, isigaat. Taamaattumik Naalakkersuisut annaasaqarsimasinnaanermut, toqqaannartumik taamatullu toqqaannanngitsumik Ruslandimut allanullu pillaatitit iliuusissanik Naalakkersuisut akuersinerisa malitsigisaanik pilersimasinnaasumut, taarsiinissamut akisussaasutut imminnut isiginngillat.

Taarsiinissaq pillugu apeqqutaasinnaasut eqqartuussivinnut suliakkiunneqartariaqarput.

3. Pisortanut aningaasaqarnikkut allaffissornikkullu sunniutaasussat

Siunnersuutip malitsigisaanik pisortani oqartussat piffissami akerleriissuteqarnerup atuukkunnaarnissaata tungaanut suliassaqarfimminni politikkikkut suliniutissanik imaluunniit pisussanut pilersaarutinik aqutsinerminni Ruslandimut pillaatitit iliuusissanik atuutsitsilertussaapput kiisalu killilersuisussaallutik. Atuutsitsilerneq kiisalu tamatuma kingorna tamatuminnga malitseqartitsineq allaffissornikkut suliniuteqarfigineqartariaqarpoq, kiisalu pillaatitit iliuusissat annertussusaat aammalu killilersuinerit annertussusissaat pillugit nalunaarutinik suliaqarnissaq pisariaqartussaalluni.

Naalakkersuisut pillaatitit iliuusissani akuliunnissaq, annertussusaat aamma annertussusissaat pillugit aalajangersaappata kiisalu nalunaarutinik suliaqarlutik, najoqqutassat

suliarineqarnissaat kiisalu suliffeqarfinnut kattuffinnullu killilersuinernit sunnerneqartussat naammassinissaannillu pisussaaffilerneqartussat saaffiginissaat pisariaqartussaavoq.

Aalisarnermut Piniarnermullu Naalackersuisoqarfik maannakkorpiaq 2022-mut aalisarnermut akuersissutinik qinnuteqaatinik suli tigusaqanngilaq, taamaattumik aalisarnermut piniarnermullu suliassaqarfimmi Ruslandimeersut aningaasaliisinaanerat suli paasisimaarineqalinngilaq. Taamaattoq tamatuma paasisimaarilerniarnera ajornakusuussasoq ilimagineqarpoq, tassami maannakkorpiaq inuit aamma immikkoortortat 900-it killilersuineri allattuiffinniimmata.

Peqqinnissamut Naalackersuisoqarfiup Peqqinnissaqarfimmi aqutsisut, Nunatta Nakorsaanera aamma Allorfik suleqatigalugit Ruslandimut aamma Belarus-imut attuumassuteqarsinnaanerit, Ruslandimut pillaatitut iliuusissanit kalluarneqartussatut eqqarsaatigineqarsinnaasut, misissorpai. Peqqinnissaqarfik IT-nik pilersuisoq 'Fujitsu' aqutigalugu Ruslandimi pilersuisunut annikinnerusumik attuumassuteqarsimavoq, kisianni tamanna unitsinneqarsimavoq. Ataatsimeersuarneq International Union for Circumpolar Health, nunatta nakorsaneqarfiata peqataaffigisassaralua taamaatinneqarpoq. Aammattaaq Peqqinnissamut Naalackersuisoqarfik Issittuni Siunnersuisooqatigiit ataanni suleqatigiissitaliami, EPPR-I, peqataasimavoq, tamannalu Ruslandip Ukraine-mik tiguaaniarnera pissutigalugu unitsikkallarneqarpoq.

Kultureqarnermut, Ilinniartitaanermut, Timersornermut, Ilageeqarnermullu Naalackersuisoqarfiup paasisutissiissutigisinnaavaa 'Arctic Winter Games'-imut, 2023-mi Canadap ingerlatsisuuffigisassaanut, Ruslandimeersut peqataanissaat atorunnaarsinneqarsimasoq. Tamatuma saniatigut Issittumi Siunnersuisooqatigiinni ilisimatusarnermi suleqatigiinneq kalluarneqarpoq, tassami suleqatigiinneq tamarmi Ruslandimiit peqataaffigineqartoq unitsikkallarneqarmat, ilanngullugit ilaatigut International Arctic Science Committee aamma Forum for Arctic Research Operators.

Isumaginninnermut Suliffeqarnermullu Naalackersuisoqarfik paasisutissiivoq Ruslandimut pillaatitut iliuusissat ilaaffigilerneranni suliffissat ilaannik annaasaqarnermik tamanna kinguneqassasoq ilimanartoq, aammalu ataatsimut isigalugu Ukraine-mi sorsunnermi iliuutsit Kalaallit Nunaannut qimaasoqarneranik aamma kinguneqarsinnaasut.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut Ruslandimi niuerfiup iluani niuernerme periarfissat allanngornerannik malitseqarpoq. Niuernermet atatillugu killilersuinernik pisussaaffiliisoqassaaq, ilanngullugu avammut nioqquteqarneq aamma assartuussinermi periarfissat, tamannalu inuussutissarsiortunut aningaasaqarnikkut allaffissornikkullu sunniuteqarsinnaavoq.

Naatsorsuutigineqarpoq akkerliinnerup paasinarsisinnegarnissaata imaluunniit unitsinnegarnissaata tungaanut suliffeqarfiit kattuffiillu avammut nioqquteqarnek, niuernek aamma Ruslandimik suleqateqarnek tamaat unitsikkallassagaat.

Tamanna inuussutissarsiortunut aningaasaqarnikkut allaffissornikkullu sunniuteqarnernik malitseqarsinnaavoq, tassami avammut nioqquteqarnerup niuernerullu unitsikkallarnerarnerat aningaasaqarnikkut annaasaqarnermik malitseqarsinnaammat.

Tassani ilanngunneqassaaq, ulloq 12. marts 2022 Rusland nunani tamalaani akiliisarfirmmit SWIFT-imit mattunneqarmat. Tamatuma malitsigisaanik Ruslandip niueqatigineqarnera annertunerpaatigut unitsinneqareerpoq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut inuillu peqqissusaannut sunniuteqassagatinneqanngilaq.

6. Innuttaasunut sunniutaasussat

Siunnersuut innuttaasunut sunniuteqarsinnaavoq, tassami pillaatitut killilersuinerit annertoorujussuit, aamma innuttaasumut nalinginnaasumut equisinnaasut, EU-mit akuerineqarmata.

7. Sunniutaasussat annertuut allat

Akkerliinneq qanoq ineriartussanersoq kiisalu siunissami pillaatitut iliuusissat nutaat suut atuutsinneqalissanersut, maannakkorpiaq oqaatigineqarsinnaanngilaq.

8. Oqartussanut kattuffinnullu il.il. tusarniaaneq

Siunnersuut Naalakkersuisut tusarniaanermut nittartagaanni piffissami 4.-12. april 2022 sivikillismik tamanut ammasumik tusarniaassutigineqarpoq. Siunnersuutip immikkut ittutut nukingernartutullu isikkoqarnera pissutigalugu sapaatit akunnerini 4-ni tusarniaanermut killigititap nalinginnaasup malinnissaa ajornarsimavoq.

Tamatuma saniatigut siunnersuut makkununga toqqaannartumik nassiunneqarpoq: Ingerlatseqatigiiffiit: Air Greenland, Inissiaatileqatigiiffik INI, Great Greenland, Greenland Oil Spill Respons, Greenland Holding, Illuut, KNI, NunaOil, Royal Arctic Line, Royal Greenland, Tusass, Visit Greenland, BankNordik, Grønlands Banken, Polar Seafood, Inu:IT, Comby, Permagreen.

Peqatigiiffiit allallu: Sulisitsisut, Ilinniagartuut Kattuffiat (ASG), Ilinniartitsisut Meeqqat Atuarfianeersut Kattuffiat (IMAK), Nunatsinni Perorsaasut Kattuffiat (NPK), Peqqinnissaq Pillugu Kattuffiit (PPK), Sulinermik Inuussutissarsiuteqartut Kattuffiat (SIK), Sulisunik Siulersuisut Kattuffiat (SSK), Kalaallit Nunaanni Inuit Pisinnaatitaaffiinut Siunnersuisooqatigiit, Kalaallit Nunaata Radioa (KNR), Sermitsiaq AG.

Takuuk tusarniaanermut allakkiaq ilanngussaq 1-itut ilanngunneqartoq.

Siunnersuummi aalajangersakkanut ataasiakkaanut nassuiaatit

§ 1-imut

Aalajangersakkami Naalakkersuisunut piginnaatitsissummut pingaarnertigut killissaliussat aalajangersarneqarput.

Piginnaatitsissut Ruslandip Ukraine-mut saassussinerata malitsigisaanik pillaatitit iliuusissanut taamaallaat atorneqarsinnaasoq, aalajangersakkami aalajangersarneqarpoq, ilanngullugu Qeqertaasap Krim-ip inatsisinik unioqqutitsilluni 2014-imi tiguarneqarnera, Ruslandip nunap immikkoortuani Donbass-imi oblaster Donetsk-imik aamma Luhansk-imik avissaarnianit aquneqartunik akuersaarnera, kiisalu Ruslandip Ukraine-mik tiguajartornera. Ukraine-mut saassussineq ingerlatillugu piginnaatitsissut atuutissaaq.

Pillaatitit iliuusissat Ruslandimut aammalu Ruslandip Ukraine-mut saassussinermi peqatigisaannut tapersersortaannullu sammitinneqarsinnaapput. Maannakkorpiaq tassani pineqarput Belarus, kiisalu Ukraine-miittut oblaster Donetsk aamma Luhansk, Ruslandip naalagaaffittut namminersortutut akuerisimasai.

§ 2-mut

Imm. 1 aamma 2.

Aalajangersakkami, Ruslandimut allanullu pillaatitit iliuusissanut, EU-mit (Den Europæiske Union), Naalagaaffiit Peqatigiinnit (FN) imaluunniit nunani tamalaani kattuffinnit akuerineqarsimasunut, Kalaallit Nunaata ilaalernissaa pillugu maleruagassanik aalajangersaanissamut Naalakkersuisut piginnaatinneqarput.

Aalajangersakkami aamma, Ruslandimut allanullu pillaatitit iliuusissanut, nunanit allanit, ilanngullugit Danmarkki aamma Savalimmiut, akuerineqarsimasunut, Kalaallit Nunaata ilaalernissaa pillugu maleruagassanik aalajangersaanissamut Naalakkersuisut piginnaatinneqarput.

Taamaattoq piunasaqaataavoq pillaatitit iliuusissat allanit akuerineqareersimassasut. Naalakkersuisut nammineq ingerlataminnik pillaatitit iliuusissanik atuutsitsilernissaat aalajangersakkami piginnaatitsissutigineqanngilaq.

Imm. 3.

Pillaatitit iliuusissanik aalajangersaanermi Naalakkersuisut taakkua Kalaallit Nunaanni pissutsinut naleqqussarsinnaavaat.

Naalakkersuisut nalunaarummi pillaatitit iliuusissanik aalajangersaareerneranni, pillaatitit iliuusissat taakkua ingerlaannaq Kalaallit Nunaata akisussaaffeqarfiani kimulluunniit

atuutilissapput pisussaaffiliisussaallutillu. Tamatuma saniatigut pillaatitit iliuusissat taakkua unioqquatinneqarnerat pinerluttulerinermut inatsit malillugu pineqaatissiiinernik arsaarinninnernillu malitseqarsinnaasoq, aalajangersaanissamut Naalakkersuisut periarfissaqarput.

Tassani pillaatitit iliuusissat allat, sumiiffinni allani Kalaallit Nunaanniit allaanerusuni atuuttussatut allat suliarisimasaat, Naalakkersuisut ilaaffigilerlugit akuersinerat tunngavigalugu, pillaatitit iliuusissat taakkua imarisamigut pingaaruteqarnissamut, aammalu inatsisitigut atuutsinneqarsinnaanissaannut, Kalaallit Nunaanni pissutsinut naleqqussarneqartariaqarnerat, ilimanaateqarnerusussaavoq.

Taakkua oqaatsitigut naleqqussaanagerusinnaapput, (tassani pillaatitit iliuusissat assersuutigalugu nunanut EU-mi ilaasortanut innersuussippata, taakkununga Kalaallit Nunaat ”ilanngunneqartariaqarluni”), kisianni aamma imarisaasigut naleqqussaanagerusinnaapput, Kalaallit Nunaanni pissutsini pisariaqarlutik.

Pillaatitit iliuusissat innuttaasunut suliffeqarfinnullu il.il. atuutsinneqarsinnaanissaannut, pillaatitit iliuusissat imarisamigut naleqquttumik ersarissuunissaat pisariaqarpoq. Tassa imaappoq, pisussaaffiit suut innuttaasunut suliffeqarfinnullu il.il. atuunnersut naleqquttumik ersarissumik allassimasariaqarpoq.

Pillaatitit iliuusissat unioqquatinneqarnerat pinerluttulerinermut inatsit malillugu pineqaatissiiinernik arsaarinninnernillu pillaatitit iliuuseqarfigineqassappata tamanna pingaartumik atuutissaaq.

§ 3-mut

Pillaatitit iliuusissanik aalajangersagaasunik unioqquitsineq pinerluttulerinermut inatsit malillugu iliuusissanik pineqaatissiiivigineqarsinnaasoq aalajangersaanissamut, aalajangersakkami Naalakkersuisut piginnaatinneqarput. Tamatuma saniatigut aamma pinerluttulerinermut inatsit malillugu arsaarinnittarnerit pillugit aalajangersakkanik aalajangersaasoqarsinnaavoq.

Pinerluttulerinermut inatsit malillugu pineqaatissiiinerit arsaarinninnerillu aamma ingerlatseqatigiiffinnut il.il. (pisinnaatitaallutillu pisussaataasut) pisussaaffiliunneqarsinnaapput.

Akiliisitsinerit arsaarinninnerillu nunap karsianut tutsinneqassapput.

§ 4-mut

Inatsisartut inatsisaat Inatsisartut inatsisaata atuutilernerata nalunaarutigineqarnerata aqaguani atuutilissaaq.

Ilanngussaq 1**TUSARNIAANERMUT ALLAKKIAQ**

Naalackersuisut Siulittaasuata Naalackersuisoqarfiata siunnersuut Naalackersuisut tusarniaanermut nittartagaanni piffissami 4.-12. April 2022, sivikillisamik tamanut ammasumik tusarniaassutigaa. Siunnersuutip immikkut ittutut nukingiussatullu isikkoqarnera pissutigalugu nalinginnaasumik sapaatit akunnerini 4-ni tusarniaanermut piffissaliinissaq naammassineqarsinnaasimanngilaq.

Tamatuma saniatigut siunnersuut toqqaannartumik makkununga nassiunneqarpoq:

Ingerlatseqatigiiffiit: Air Greenland, Inissiaatileqatigiiffik INI, Great Greenland, Greenland Oil Spill Respons, Greenland Holding, Illuut, KNI, NunaOil, Royal Arctic Line, Royal Greenland, Tusass, Visit Greenland, BankNordik, Grønlands Banken, Polar Seafood, Inu:IT, Comby, Permagreen.

Peqatigiiffiit allallu: Sulisitsisut, Ilinniagartuut Kattuffiat (ASG), Ilinniartitsisut Meeqqat Atuarfianeersut Kattuffiat (IMAK), Nunatsinni Perorsaasut Kattuffiat (NPK), Peqqinnissaq Pillugu Kattuffiit (PPK), Sulinermik Inuussutissarsiuteqartut Kattuffiat (SIK), Sulisunik Siulersuisut Kattuffiat (SSK), Kalaallit Nunaanni Inuit Pisinnaatitaaffiit Siunnersuisooqatigiit, Kalaallit Nunaata Radioa (KNR), Sermitsiaq AG.

Makkua tusarniaanermut akissuteqarput: Sulisitsisut aamma BankNordik.

Tamatuma saniatigut danskit oqartussaasui makkua tusarniaanermut akissuteqarput: Nunanut allanut ministereqarfik, Inuussutissarsiornermut ministereqarfik, Inatsisit atuutsinneqarnerannut ministereqarfik, Inuussutissanut, Nunalerinermut Aalisarnermullu Ministereqarfik.

Sulisitsisut

”Naalackersuisut killilersuinerit EU-mi, FN-imi ingerlanneqartut imaluunniit nunat allat Ruslandimut killilersuinernik ataatsimoorussiffiit atuutsitsinissamut piginnaatinneqarnerannut Sulisitsisut tapersiipput.

§ 1-imi piginnaatitsissut annertuvoq, tassani allasimalluni ”allat”, kisianni tamatumunnga nassuiaatini piginnaatitsissut makkununga killilerneqarluni: ”nunani tamalaani kattuffiit allat, imaluunniit nunat kattuffii, Ruslandip Ukraine-mut saassussineranit pisumik, Ruslandimut pillaatitut iliuusissanik aalajangersaasut.”

Tamanna tunngavigalugu Sulisitsisut inatsisissatut siunnersuut tamakkiisuutillugu taperserpaat.”

Naalackersuisut Siulittaasuata Naalackersuisoqarfia:

Inatsisip oqaasertai tamatuma kingorna erseqqissarneqarput, takuuk § 2, imm. 1-ip aamma 2-p nutaamik oqaasertalerneqarnerat. Kikkut pillaatitut iliuusisat taakkua, Naalackersuisut Namminersorlutik Oqartussat ilaatilernissaannut piginnaatitsissuteqarfigisaat, akuerisimassaneraat, maannakkut inatsisip oqaasertaanni ersarissumik allassimalerpoq.

BankNordik

BankNordik inatsisissatut siunnersuummut oqaaseqaatissaqanngilaq.

Naalackersuisut Siulittaasuata Naalackersuisoqarfia:

Naalackersuisut Siulittaasuata Naalackersuisoqarfia tusarniaanermut akissuteqarnermut qujavoq.

Nunanut allanut ministereqarfik

Nunanut allanut ministereqarfiup oqaatigaa, EU-mi pillaatitut iliuusissat, FN-imi pillaatitut iliuusissat paarlattuanik, imminermini Kalaallit Nunaannut pisussaaffiliinngitsut, aammalu pillaatitut iliuusissanik atuutsitsilernissaq pillugu pingaarnertigut aalajangerneq nunanut allanut politikkimut tunngassuteqartoq. Kalaallit Nunaanni pillaatitut iliuusissat piffissatigut sivisussusissaannut EU-mi pillaatitut iliuusissat atorunnaarnissaat malinneqassasoq, iluaqutaasumik allanneqarsinnaasoq, Nunanut allanut ministereqarfiup taamatuttaaq oqaatigaa.

Naalackersuisut Siulittaasuata Naalackersuisoqarfia:

Kalaallit Nunaanni Namminersorneq pillugu inatsit (Namminersornermut inatsit) naapertorlugu Namminersorlutik Oqartussat suliassaqarfiit tiguneqareersut iluanni inatsisiliortuupput ingerlatsisuullutillu. Namminersorlutik Oqartussat taamaalillutik suliassaqarfinni tiguneqareersuni maleruagassanik Ruslandimut allanullu atuuttunik aalajangersaanissamut piginnaatitaapput. Aamma takuuk pillaatitut iliuusissanut tunngavissalimmik nunamilu akisussaaffeqarfimmi killilersuutit pillugit nassuiaatini nalinginnaasuni immikkoortoq 2.4.

Kalaallit Nunaanni pillaatitut iliuusissaasinnaasut piffissatigut sivisussusissaannut tunngatillugu, inatsisip oqaasertai toqqaannartut malillugit Naalackersuisut taamaallaat Ruslandimut allanullu pillaatitut iliuusissat, allat akuerereersimasaasa, tassa imaappoq nunani tamalaani kattuffiit imaluunniit nunat, ilaaffigilernissaannut, piginnaatinneqarput.

taamaalilluni, nunani tamalaani kattuffiup imaluunniit nunap, pillaatitut iliuusissaannut Naalackersuisut ilaaffigilersimasaata, pillaatitut iliuusissat atorunnaarsinniarlugit aalajangernerani, Naalackersuisut pillaatitut iliuusissanut ilaalernerat atorunnaassaaq.

Inatsisitigut isigalugu tamanna nalunaarutini Naalakkersuisut kingusinnerusukkut pillaatitut iliuusissat ilaaffigilernerat pillugu atuutsiligassaanni, aamma allassimassaaq.

Inuussutissarsiornermut ministereqarfik

Inuussutissarsiornermut ministereqarfiup oqaatigaa, piginnaatitsissutip inatsisissatut siunnersuummi saqqummiunneqartup atuutsinnissaa qanoq erseqqinnerusumik naatsorsuutigineqarnersoq, inatsisissatut siunnersuummut nassuiaatini allassimasariaqaraluartoq, ilanngullugu suliaasaqarfiit tiguneqareersimasut iluanni EU-mi pillaatitut iliuusissat suut Kalaallit Nunaata nalunaarummi atuutsilissallugit naatsorsuutigineraa. Inuussutissarsiornermut ministereqarfiup taamatutaaq oqaatigaa, suliaasaqarfiit akisussaaffigilerlugit tiguneqarsimanngitsut iluanni EU-mi pillaatitut iliuusissat suut Kalaallit Nunaanni atuutsilernissaat kissaatigineqarnersoq, kisianni Danmarkimiit inatsisiliornissaq pisariaqarnersoq, inatsimmut nassuiaatini isummerfigineqarsimanissaat kissaatiginartoq.

Naalakkersuisut Siulittaasuata Naalakkersuisoqarfia:

Pillaatitut iliuusissat sorliit Naalakkersuisut tamatuma kingorna ilaaffigilernissaat kissaatigineraa, maannakkorpiaq tamakkiisumik paasisimaarineqanngilaq. aammalu Naalakkersuisut pillaatitut iliuusissat ilaaffigilernissaannut aalajanginnginneranni, Inatsisartuni Nunanut Allanut, Sillimaniarnermullu Ataatsimiititaliaq Naalakkersuisut isumasiortussaavaat.

Pillaatitut iliuusissat sorliit Naalakkersuisut tamatuma kingorna ilaaffigilissaneraat paasinarsisinniarlugi ulapputigalugit suliarineqarput. Suliaasaqarfinnut akisussaaffigilerlugit tiguneqarsimanngitsunut, danskit inatsisaannik pisariaqartitsiviusunut, tunngatillugu tamanna aamma atuuppoq.

Inatsisit atuutsinneqarnerannut ministereqarfik

Inatsisit atuutsinneqarnerannut ministereqarfiup oqaatigaa, inatsisit atuutsinneqarnerannut ministereqarfiup naalackersuinikkut suliaasaqarfiisa iluanni sakkut pillugit pillaatitut iliuusissat aalajangersarneqartut, tassami naalackersuinikkut suliaasaqarfik taanna naalagaaffimmi oqartussat ataanniimmat.

Naalakkersuisut Siulittaasuata Naalakkersuisoqarfia:

Inatsisissatut siunnersuut suliaasaqarfinnut tiguneqareersimasunut taamaallaat atuuppoq. Ruslandimut allanullu tamatuma kingorna pillaatitut iliuusissat ilaaffigilerneranni, tamanna aamma sillimaffigineqassaaq. Aamma takuuk pillaatitut iliuusissanut tunngavissalimmik nunamilu akisussaaffeqarfimmi killilersuutit pillugit nassuiaatini nalinginnaasuni immikkoortoq 2.4.

Inuussutissanut, Nunalerinermut Aalisarnermullu Ministereqarfik

Inuussutissanut, Nunalerinermut Aalisarnermullu Ministereqarfiup oqaatigaa, Kalaallit Nunaata inuussutissanut aamma uumasut nakorsaqaqarnermut suliassaqaqarfiup ilaaniittut, tunisassianik uumasunit pisuunngitsunik eqqussinermut avammullu nioqquteqaqarnermut tunngassuteqartut, tigusimagai, inatsisissatut nassuiaammi allassimangitsoq.

Naalackersuisut Siulittaasuata Naalackersuisoqarfia:

Pillaatitut iliuusissat assigiinngitsut taakkua Kalaallit Nunaanni suliassaqaqarfinnut assigiinngitsunut qanoq sunniuteqaqarnissaannut ataatsimoortumik takussutissiamik suliaqarnissamut piffissaqarsimangilaq. Aamma suliassaqaqarfinnut ilaannakortumik tiguneqarsimasunut.

Pillaatitut iliuusissanut EU-mit (Europæiske Union) akuerineqartunut takussutissiaq

(Nutarterneqarpoq, ulloq 12. maj 2022)

Pillaatitut iliuusissat ataatsimoortut 1, 23. februar 2022-meersut:

- Ruslandimi naalakkersuisunik aamma centralbankimik aningaasalersuinissamut inerteqquteqarneq;
- Pigisat nalillit tigusinnaajunnaartinneqarnerat, niueqatigiinnissap inerteqqutigineqarnera aamma Ruslandimi inatsisartunut ilaasortat 351-it aammalu immikkoortortat allat 27-t nunamut iseqqusaajunnaarnerat;
- EU-p aammalu Ukraine-mi Donetsk- aamma Luhansk-oblaster ilaat tiguagaasimasut akornanni niuernermut killilersuinerit.

Pillaatitut iliuusissat ataatsimoortut 2, 25. februar 2022-meersut:

- Nioqqutissat *marloqiusamik atuuffillit*, aalajangersimasut ilaatinneqaratik, kiisalu nioqqutissat Ruslandip illersornissamut sillimaniarnermullu pisinnaasaannut tapertaasinnaasut, avammut nioqqutigeqqusaajunnaarnerat. Avammut nioqquteqarnissap inerteqqutigineqarnerani Ruslandip teknologiimik nutaaliaasumik aalajangiisuulluinnartunik (soorlu dronit aamma droninut software, paasiuminaallisaanermut software, halvlederit aamma elektronik nutaaliaasoq) pissarsinissaa killilerneqarpoq aammalu Ruslandip illersornissamut suliffissuarnut sakkutooqarfiani immikkoortortanut allattuiffik suli sukannernerusumik nakkutigineqartussanngorluni;
- Ruslandimi pisortat aningaasalersuinissaannut imaluunniit niueqatigineranut imaluunniit aningaasaliinermut aningaasaqarnikkut tapersiinissamik inerteqquteqarneq;
- Nioqqutissanik aamma teknologiimik Ek-imi uuliamik saliinermut atorineqartartunik avammut nioqquteqarnissap inerteqqutigineqarnera, tamatumalu Ruslandimi uuliamik sukuluiaanermik nutarterinissaq ajornarsisittussaavaa;
- Silaannakkut angallanermut suliassaqarfimmut kingoraartissat kiffartuussinerillu inerteqqutigineqarnerat;
- Ruslandi peqatigalugu arlalitsigut aningaasaqarnikkut sunniivigeqatigiinnissap aningaasanillu nuussinerit, EU-mi aningaasaatinut niuerfimmu russit isersinnaalernerannik aammalu immikkoortortanut pillaatitut iliuuseqarfigineqartunut taarsigassarsinermut aningaasartuuteqarnerulernermik malitseqartussat, inerteqqutigineqarnerat;
- Inunnut naalagaaffimmi pissaanilinnut kiisalu taakkua ilaqaataannut pillaatitut iliuusissanut tunngavissarititaasut annertusitinneqarnerat;
- Ruslandip aallartitaasa, atorfilittaasa niuernermillu suliqaartortaasa Schengen-imut isernissaannut visum-inut qasukkaasimanerit atorunnaarsinneqarnerat;
- Ruslandimi inatsisartunut (Duma) aammalu Ruslandimi Sillimaniarnermut siunnersuisooqatigiinni ilaasortanik amerlanerusunik toqqaaneq;

- Ilaatigut præsident Vladimir Putin-ip aammalu nunanut allanut ministerip Sergey Lavrov-ip pigisaasa nalillit tigusinnaajunnaarsinnerat.

Pillaatitut iliuusissat ataatsimoortut 3, 28. februar kiisalu 2. marts 2022-meersut:

- Ruslandimi centralbankimut nuussinerit tamarmik inerteqqutigineqarnerat;
- Ruslandimi silaannakkut angallannermut ingerlatseqatigiiffinnut tamaginnut qulaavaalluni timmisartornissap inerteqqutigineqarnera;
- Inuit 26-it (naalagaaffimmi pissaanillit, sakkutuut allallu) aammalu immikkoortortap ataatsip pillaatitut iliuuseqarfigineqartussatut toqqagaanerat.
- Suliniutinut Ruslandimi toqqaannartumik aningaasaliinermut aningaasaateqarfimmit aningaasalersueqataaffigineqartunut aningaasaliinissap inerteqqutigineqarnera;
- Ruslandimi aningaaseriviit arfineq marluk SWIFT-imi periaatsimut attaveerutsinneqarnerat;
- Ruslandimi tusagassiorfiit RT & Sputnik pisinnaatitsissutitut akuersissutaasa atorunnaarsinneqarnerat;
- Ruslandimut aningaasanik euro-nik tuniniaanerup, pilersuinerup, nuussinerup imaluunniit avammut nioqquteqarnerup inerteqqutigineqarnerat;
- Belarus-imut pillaatitut iliuusissat amerlanerusut: suliassaqarfinni pillaatitut iliuusissat annertunerusut (ilanngullugit qisuit nioqqutissat, cementinit tunisassiat, potaske, savimernit aamma sisaat il.il.), siusinnerusukkut pillaatitut iliuusissanik putoqqutaarinerit iliuuseqarfigineqarnissaat, sakkutuut 22-it toqqagaanerat aammalu avammut nioqquteqarnerup nakkutigineqarnerata sukannernerulersinneqarnera.

Compliance-mi ataatsimoortitat 9. marts 2022-meersoq:

- Belarus-imi aningaaseriviit pingasut SWIFT-imi periaatsimut attaveerutsinnerat;
- Belarus-imi centralbankimut nuussinerit inerteqqutigineqarnerat;
- Immikkoortortani Belarus-imi naalagaaffimmi pigineqartuni aktiaatinut tunngatillugu kiffartuussinerit inerteqqutigineqarnerat;
- Belarus-imiit EU-mut aningaasaqarnikkut killilersuinerit, aallarniutitut akiliuteqarnerit killilersornerisigut, euro-nik pappiaqqanik nalilinnik niuernerup aamma kontut inerteqqutigineqarnerat;
- Aningaasanik euro-nik Belarus-imut pilersuinerup inerteqqutigineqarnera;
- Ruslandimut imarsiornermi tunisassianik aamma raatiukkut attaveqatigiinnermi teknologiinik avammut nioqquteqarnerup killilersorneqarnera;
- Suliassaqarfinni pillaatitut iliuusissani krypto-t pigisat ilanngunneqarnerat;
- Inunnik pissaanilinnik 14-inik aammalu Ruslandimi Naalagaaffeqatigiinnermi siunnersuisooqatigiinni ilaasortanik 146-nik toqqaaneq. Inuit katillugit 862-it aammalu immikkoortortat 53-it EU-mit pillaatitut iliuuseqarfigineqartussatut maannakkut toqqagaapput.

Pillaatitut iliuusissat ataatsimoortut 4, 15. marts 2022-meersut:

- Sisannik saviminernillu tunisassianik ineriikkanik eqquassinissap inerteqqutigineqarnera;
- Inuulluarniutit nioqqutissat pillugit avammut nioqquteqarnissap inerteqqutigineqarnera;
- Ruslandimi nukissiornermut suliasaqarfimmi nutaanik aningaasaliinissap inerteqqutigineqarnera;
- Suliffeqarfimmut Ruslandimi naalagaaffimmit pigineqartunut arlalinnut EU-mi niuerfimmumattussineq aammalu pigisanik nalilinnik tigusisinnaajunnaarsitsineq;
- Sullitanik Ruslandimeersunik aningaasanik atortissallugit tatiginarnersut naliliinissat inerteqqutigineqarnerat;
- Inuit pissaanillit allat 15-it aamma immikkoortortat Ruslandimeersut 9-t EU-mi pillaatitit iliuuseqarfigneqartussat allassimaffiannut ilanngunneqarnerat;
- WTO-mi niuernikkut Ruslandimeersut iluaqutissartaqartinneqarunnaarsinneqarnerat aammalu WTO-mi aamma IMF-imi Ruslandimeersut ilaasortaajunnaarsinneqarnissaannik sulissuteqarneq.

Pillaatitit iliuusissat ataatsimoortut 5 af 8. april 2022:

- Aamarsuit allallu ikummatissat nunap iluaneersut imerpalasuunngitsut Ruslandimeersut imaluunniit Ruslandimiit avammut nioqqutigineqartut inerteqqutigineqarnerat (2022-mi aggustimiit atuuttumik);
- Qisunnik, cementinik, naggorissaatinik, aalisakkanik, qalerualinnik aamma imigassanik aalakoornartortalinnik eqquassinissap inerteqqutigineqarnera;
- Angallatit Ruslandip erfalasua atorlugu nalunaarsorsimasut EU-mi umiarsualivinni tikinnissaasa inerteqqutigineqarnera;
- Assartuussinermut suliffeqarfiit Ruslandimeersut tamarmik inerteqqutigineqarnerat;
- Avammut nioqquteqarnissamik inerteqquteqarneq, timmisartunut ikummatissanut sammitinneqartoq, ilanngullugit ilaatigut kvanteputeri aamma halvlederit nutaaliaasut, elektronik sukkasuut, software, maskiinat malussarissut aammalu assartuutit
- Suliffeqarfiit Ruslandimeersut Ruslandimi oqartussanut aningaasaqarnikkut tapersiinertut ilusilimmik pisortat neqeroortitsineranni peqataanissaannut nalinginnaasumik EU-mi inerteqquteqarneq;
- Crypto-wallets aallarniutit akiliuteqarluni inerteqquteqarnermi atuutsinneqalerput;
- Nunat EU-mi ilaasortat tamarmik pisortatigoortumik aningaasaasa ilanngutsinneqarnerat, aningaasanik aammalu pappiaqqanik nalilinnik nioqqutigineqarsinnaasunik avammut nioqquteqarnerup il.il. inerteqqutigineqarnera;
- Inuit 216-it aammalu immikkoortortat 18-it EU-p pillaatitit iliuusissanut allattuiffianut ilanngutsinneqarnerat;
- Belarus-imiit aqqusinikkut assartuinnermut suliffeqarfiit tamarmik inerteqqutigineqarnerat;
- Aningaasanik aammalu pappiaqqanik nalilinnik nioqqutigineqarsinnaasunik EUR-ini allassimasunik kiisalu naalagaaffiit EU-mi ilaasortaasut pisortatigoortumik aningaasaanni allassimasunik Belarus-imut avammut nioqquteqarnerup il.il. inerteqqutigineqarnerat.